

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

棣華堂詞

雲間 馮瑞 霄燕

菩薩蠻 二調 採桑子

更漏子 清平樂

阮郎歸 畫堂春

秋蕊香 柳稍青

醉花陰

醉落魄

臨江仙

二調

蝶戀花

二調

蘇幕遮

青玉案

御街行

驀山溪

滿江紅

玉蝴蝶

念奴嬌

沁園春

金縷曲

棣華堂詞

雲間 馮 瑞 霄燕

菩薩蠻 廢園

南園人去無消息。傷心芳草年年碧。小鳥踏金環。東風朱戶閒。行雲歸路杳。石上苔痕小。隔水見垂楊。纖纖裙帶長。

前調 旅暮

楊花飄盡吳溪雪。催歸杜宇啼聲切。睡起倚闌干。娟娟新月寒。無聊空盼望。夢繞湘江上。吹笛是誰家。

風搖簾影斜

採桑子 陌上

啼鶯驚起朱樓睡。滿燕金鳬斜掠。屏梳裝束初成。出
鏡湖。三三兩兩尋芳去。風嫋流蘇。花點輕羅。陌上
垂楊聞鷓鴣。

更漏子 七夕

藕花風。梧葉露。何處鵲橋堪渡。金屋底。繡簾前。秋蘭
繞夜煙。蛾眉斂。鶯聲轉。團扇輕羅半掩。立綬綬。步
遲遲。相逢月落時。

清平樂

嚴下

江南春暮處處鶯花路客裏光陰隨分度莫被相思
耽誤笙歌十里遙聞馬蹄踰徧香塵道是歸來晚
也蘭膏纔照金罇

阮郎歸

月夜

剪殘銀燭影疑冰窺簾新月明倦飲寶枕夢還驚穿
花玉漏聲愁寂莫坐淡更梨花吹滿庭隔牆風動
柳搖青金鈴遙吠迎

畫堂春

春院

畫長人靜。畫堂空曲闌。花影重重。綠楊陰下。海棠中。
記得相逢。環佩聲遲。瑤砌綺羅香透。雕籠而今。回首。
晚煙紅滿院。東風。

秋蕊香

閨怨

斗帳夜深。香暖翠被。夢回人遠。起來庭戶。風如剪。明
月瑤階光滿。閒行閒坐。情難遣。愁眉斂。粉牆又見
花陰轉。別院聲。迷絲管。

柳梢青

湖上

越水吳溪。東風吹透。岸草煙低。柳下停橈。花前攜酒。

十里香迷。遊人擾擾長隄。正日暖鶯啼燕飛。別院
笙歌。高樓紅粉。搖遍青旗。

醉花陰

寒江

荻浪花翻千尺雪。入夜潮聲咽。無計泛靈槎。望斷銀
河。又過中秋月。寒江路渺傷離別。孤客愁空結。楓
樹幾回青。年去年來。只見蕭蕭葉。

醉落魄

夏燕

輕盈俊利。臨風不斷呢喃語。何須苦妒東君住。啄盡
殘紅。又送長隄絮。平蕪一望青無數。雙雙織破廉

織雨路。傷休逐行人去。繡戶朱簾。還有相思處。

臨江仙 春夜

雪冷梨花淡院閉。雨餘新月黃昏。闌干雕玉淨無塵。
夜寒羅袖薄。背立掩啼痕。清夢幾回銀燭底。醒來
宮漏沉沉。舒箋閒譜洛陽春。憑將梁上燕。說與意中
人。

前調 芳隄

草碧芳隄春水漲。東風又送輕寒。夕陽初下鳥聲喧。
桃花紅一片。何處武陵源。記得昔年多少事。從今

燈○燼○更○闌○綠○楊○如○畫○繫○雕○鞍○釣○簾○人○不○見○苔○蘚○上○闌○干○

蝶戀花

昨日園林花信早。雪冷水清。幾點梅英小。屈指春來春正渺。相思何處尋芳草。歲序推遷人易老。暖帳香茵。往事知多少。風吼小樓寒悄悄。九微燈暈鴉聲曉。

前調

黃昏

鐘送黃昏宮漏促。露冷風微。庭院森如束。月浸井梧

秋更綠。沉沉影落闌干曲。蟋蟀吟殘聲斷續。心緒
縱橫。漫剪西窗燭。讀罷楚些悲宋玉。相思只隔江南
北。

蘇幕遮

秋感

杏花村。桃葉渡。二八風流。占斷江南路。不道分飛秋
已暮。人去重關。衰草連寒霧。塞垣吟。神女賦。玉勒
珠鞭。匹馬明妃度。爲雨爲雲天也妬。畫閣知心。良夜
愁回顧。

青玉案

感舊

芙蓉露染輕紅透。正寂莫、黃昏後。斜月小樓人在否。
夜涼風緊。暗蟲淒切。窗隙燈光漏。尋常行處多依
舊。只往事、飄零倦回首。況復傷心隨物候。數聲哀雁。
半庭殘葉。早又黃花瘦。

御街行

中秋

水沉香熱金爐滿。月似畫、真珠捲。小樓憑眺儘迢遙。
碧落星稀雲歛。韶華依舊。歡娛似昔。處處聞絲管。
坐遲銀燭頻呼剪。笑語寂。歌聲轉。一尊今夜與誰同。
無奈吹簫人遠。酒闌歸去。心如庭下。桂影縱橫亂。

驀山溪

落葉

西風吹急。不管分離苦。黃葉點空林。儘一夜飄零塵
土。青鬟翠袖。枉想舊時妝。細雨暮。輕煙鎖。盡是亭臯
路。三春濃艷。只惜花飛墮。誰省綠成陰。聚枝頭。含
愁楚楚。而今珍重。珍重也須遲。層樓鼓。寒窗火。夢斷
湘江浦。

滿江紅

秋風

夜永更闌。紗窗外。幾番搖曳。試起看。無形無影。滿庭
殘月。上砌敲扉。花影亂。穿簾入幕。孤燈滅。猛回頭。疑

是玉人來關情切。聲細細。悲鳴咽。寒慘慘。愁重疊。
怪音容何在。空傳紅葉。驚我客衣添冷落。催他團扇。
輕離別。恨秋聲偏繞舊香閨。新時節。

玉蝴蝶 漫興

鏡裏二毛誰惜。前途夢幻。急景飛梭。十載羈愁。勝似
西蜀東吳。阮步兵。酒懷空在。何水部。好句無多。漫高
歌。心馳燕塞。魂繞湘波。蹉跎。風流玉樹。文章金馬。
意氣未壺。何日管領春風。蹀躞滿皇都。把從來琴尊
打疊。看此去竹帛巍峨。卷青蘿。北山休笑。手挽銀河。

念奴嬌 秋感

白雲紅樹。正江南萬里。蕭條秋色。候盡征鴻人不見。
夢裏關山遙隔。錦字詩成。鮫鮪淚濕。欲寄無蹤跡。天
高路斷。向誰尋問消息。道是誤入華胥。雕梁雙燕。
也整歸飛翼。木落亭臯。空騁望。催起閒愁如織。冷透
單衣。寒生孤館。潘鬢驚霜。逼縱拋沉醉。醒來時又淒
惻。

沁園春 眺遠

細雨斜陽。高閣臨川。獨倚危闌。見長隄東去。畫橋左

畔。旗搖酒肆。雲掩松關。想起舊遊。曾經此地。背地寒
衣。把淚彈。相顧盼。問伊家何處。蓮子西灣。而今風
月空閒。只燕子雙雙飛往還。算五湖蘭棹。幾時共載
三湘桂魄。怎夜同看。往事如流。後期成夢。極目蒼茫
煙水寒。尋思久。愁來不斷。簇損春山。

金縷曲

詠懷

獨坐秋光褪。更那堪鴉啼日落。暮寒成陣。家在玉京
空悵望。不識程途遠近。試喚取。傷人尋問。夢裏關山
愁裏客。算從今。跋涉何時盡。難屈指。翻增悶。黃塵

拂面霜侵鬢。歎當年晨征晚宿。總成長恨。三九韶華
看漸去。幾度菊香蛩韻。縱待得春回。花信綠柳紅桃。
歸路。便已鶯儔燕侶。都無分。歸未得。縈方寸。

計子山

南陽

曰馮雋燕少工南詞。昔與余有負燈

艸問世。弱冠以還。綺語是戒。江楓一集。同人深以不得徵入爲憾。近于友人處。獲其舊刻。披咏之下。色飛神動。約存一二重。以授梓。婉宥多風。艷冶有則。真大雅之遺音。詞家之正體也。

曾日峰

安世

曰。近日雲間之詞。幾至數十家。可謂

極盛。獨先生與舒章直方寶勣諸先輩。寔有前後倡導之功。其屢戰場屋。晚入清華。當未第時。先有玉蝴蝶漫興一闋。換頭云。蹉跎風流玉樹。

文章金馬。意氣冰壺。何日管領春風。蹀躞滿皇都。把從來琴樽打疊。看此去竹帛巍峩。知其自命有素。心聲已先爲之兆矣。文章事業。可易量哉。

名家詞鈔目錄

廬陵 聶先 晉人

纂定

長水 曾王孫 道扶

東白詞

三韓 佟世南 梅岑

望江南

二調

點絳脣

二調

採桑子

菩薩蠻

謁金門

阮郎歸

山花子

南柯子

浪淘沙

二調

一斛珠

踏莎行

小重山

蝶戀花

三調

破陣子

天仙子

千秋歲

河滿子

風入松

滿江紅

滿庭芳

水調歌頭

漢宮春

孤鸞

雙雙燕

揚州慢

念奴嬌

玉燭新

南浦

二郎神

解連環

薄倖

沁園春

畫屏秋色

賀新郎

蘭陵王

白苧

寶鼎現

東白堂詞

三韓 佟世南 梅岑

望江南

閨情

閒倚檻。螺翠淡睂尖。滿院落花春晝靜。一窓疎雨暮寒添。不病也慙慙。

前調

閨晚

天乍晚。纔欲下簾櫳。轉側自憐嬌影好。一燈微映小窗紅。細雨碧紗中。

點絳脣

過柴以忱園中賞牡丹

高下層臺移栽洛浦花多種粉輕脂重五色雲霞擁
相對花前頻把金樽送香風動蜂狂蝶縱不醒迷
花夢

前調 憶情

憶昔芳時花間曾綰同心結飛飛蝴蝶細草輕烟抹
何事而今樓迴人難接愁千疊玉釵敲折一枕殘
更月

採桑子 疎放

少年到處成疎放只爲傷春不爲傷春憔悴年年酒

一樽相逢偏是增離思見也消魂別也消魂疎雨
微風妬月痕

菩薩蠻 春閨

暖風輕拂遊絲裊絲窻睡起聞啼鳥何處認伊家隔
牆無數花小庭春欲暮滿地飄紅雨曉踏翠苔看
雙鴛香露寒

謁金門 春感

春寂寂人似曉風無力露濕殘花飛不得滿堦紅淚
滴騎馬未回空積芳草又生南陌十二闌干和恨

立日斜山影直

阮郎歸 過十錦塘感舊

杏花疎雨灑香堤。高樓簾幙垂。遠山映水夕陽低。春
愁壓翠睂。芳草句碧雲辭。低徊閒自思。流鶯枝上
不曾啼。知人腸斷時。

山花子 無題

芳信無由覓彩鸞。人間天上見應難。瑤瑟暗縈珠淚
滿。不堪彈。枕上彩雲巫岫隔。樓頭微雨杏花寒。誰
在暮烟殘照裏。倚闌干。

南柯子 偶來

曙雪凝瓊貌。春山壓翠蛾。偶來芳逕暫婆娑。喜得書齋深處，少人過。小立兜金縷，閒行整硃羅。櫻桃微綻笑生窩。高低問花間句，讀是如何。

浪淘沙 夜懷

玉露釀秋寒。怕殺衾單。鳳樓人遠信難傳。立盡清宵明月影，依舊孤眠。寂寞小窗前。落葉珊珊。西風吹夢到江關。一霎相逢還去了，烟水雲山。

前調 相望

名家詩集
相望隔重闌。兩地消魂。青山千疊鎖寒雲。夢去夢來
遮不住。幾個黃昏。柳葉展眉顰。鶯燕紛紛。不晴不
雨。奈何春盡道。養花天氣。好惱殺離人。

一斛珠 歡會

畫樓燈滅。輕開繡戶。簾低揭。遶堦緩步。蒼苔滑。芍藥
欄邊。綰了同心結。半覆羅襦。鬆寶袂。綠莎如繡鴛
衾疊。檀郎頻覩。羞雙頰。那得輕雲暫掩。枝頭月。

踏莎行 東牆

接柳風輕。抹莎烟淡。微聞香氣來天半。粉香一帶是

銀○河○彩○雲○捧○出○芙○蓉○面○
惹○得○蜂○迷○頓○教○蝶○戀○輕○輕○
語○笑○聲○將○遠○軟○韮○猶○自○架○花○叢○殘○紅○寂○寂○飛○庭○院○

小重山

同諸子集王綏山蛛隱亭

日○暖○池○塘○春○草○齊○杜○鵝○花○影○外○杜○鵝○啼○小○亭○西○畔○夕○
陽○低○新○雨○過○山○翠○欲○沾○衣○滿○眼○舊○相○知○客○邊○重○此○
會○共○傳○杯○更○闌○莫○惜○醉○如○泥○東○風○裏○千○點○落○花○飛○

蝶戀花

春來

不○道○春○來○偏○困○我○多○少○韶○華○都○向○愁○中○過○窓○外○繁○紅○
嬌○欲○墮○枕○前○幽○夢○雲○難○鎖○雨○泣○孤○燈○人○未○臥○錦○被○

寒生寶鼎。焙餘火。把酒破愁。愁不破。今宵畢竟如何。
妥。

前調 曉行

徹夜鄉心。千萬縷。聽得驪駒。嘶過村西路。纔唱鄰鷄。
天未曙。僕夫抵死催人去。挂壁燈光。寒不吐。上了。
征車更問沙河渡。一望前川迷曉霧。茫茫都是凝愁。
處。

開元樂 秋思

夾岸芙蓉泣露。一行鴻鴈吟秋。無限風前淚點。夕陽。

人倚西樓

破陣子 客懷

南越烽烟黯黯。東吳驛路迢迢。馬上十年來復去。露影霜花滿寶刀。征途楓葉飄。幸有金尊醉客。解鞍暫駐今宵。夢斷關山秋雁度。酒醒江城夜月高。冷風吹敝貂。

天仙子 阜亭看桃花

隱隱青山漾碧霧。小艇但隨流水去。荒村何處問桃花。芳草渡。斜陽暮。一片紅雲遮去路。偏怪東風吹。

名家詩金
不住點點胭脂飄細雨。人家疑在武陵源。花亂舞。鶯
亂語。只恐劉郎來又悞。

千秋歲 席上偶拈

水亭過雨。夾岸涼生樹。疎箔捲。微風度。圓荷翻翠蓋。
暗柳搖烟縷。東嶺外。微雲破處銀蟾吐。河朔堪忘
暑。高會開樽俎。同嘯咏。誰賓主。酒和清露瀉。劍拂寒
星舞。歸騎促。餘溪城上黃昏鼓。

河滿子 懷金陵諸同人

記得臨岐話別。江亭執手徘徊。折柳折花頻記取。莫

教春獨歸來。誰料而今淹滯。紅榴照眼爭開。料得
文壇知己也。應費盡幽懷。江上黃鸝堪載酒。雙柑誰
共追陪。聽著五更風雨。夢魂飛繞花臺。

風入松

帳中

蘭缸斜照碧紗厨。香篆裊流蘇。鴛衾不整春宵煖。輕
籠著一半羅濡。殢了烟鬟軟語。倩伊香臂橫舒。臉
花泥枕褪紅酥。鬢棗墜龍鬚。朦朧星眼渾如醉。低聲
道。睡了何如。試看西窓花影。看看搖落蟾蜍。

滿江紅

閨夜

立盡黃昏。任吹我西風淒切。偏無奈綺羅不勝肌寒。
如鐵別後。閒情頻入夢枕前。舊恨空啼血。向人前豈
是故相瞞。原難說。燈黯黯。長欲滅。心耿耿。空悲咽。
儘三更銀漏。聲聲聽徹。雁帛鱗書難問取。冰絃玉管
成虛設。到不如醉裏了生涯。拚愁絕。

滿庭芳 怨別

手○燠○金○卮○淚○分○羅○帕○盡○君○此○刻○綢○繆○無○情○寒○日○斜○照○
越○江○頭○今○夜○孤○舟○有○夢○應○未○識○能○到○粧○樓○長○亭○外○春○
光○無○賴○風○起○落○花○愁○悠○悠○從○此○別○魚○書○雁○字○兩○處○

沉○浮○恨○斷○雲○殘○雨○。佳○麗○揚○州○。多○少○倡○條○冶○葉○。誰○能○似○
柳○絮○溫○柔○。還○愁○是○霜○天○蕭○索○。衰○落○不○勝○秋○。

水調歌頭

放歌

東○海○蜃○樓○起○。天○半○瀉○黃○河○。此○事○茫○茫○無○據○。造○化○究○如○
何○。欲○待○催○燒○筆○硯○。只○怕○萬○般○愁○恨○。無○處○可○消○磨○。且○共○
狗○屠○飲○。起○舞○影○婆○娑○。君○不○見○。春○來○去○。落○花○多○少○年○
易○老○。問○誰○有○計○。駐○羲○和○。歎○我○壯○懷○未○遂○。腰○下○寶○刀○難○
脫○。惆○悵○已○蹉○跎○。不○惜○唾○壺○缺○。且○自○發○悲○歌○。

漢宮春

咏瓶中五色牡丹

春艷花王剪雲霞五彩乍製輕衣淡描濃抹全勝十
樣新眉漢宮春曉露紛紛粉黛胭脂愛姊妹梳粧各
別一般國色天姿最怕雨欺風妬向膽瓶欹側如
訴幽思窓中繡簾深掩蜂蝶休窺浮香泉煖鎖洞房
不放春歸更何用玉環捧硯沉香亭畔題詩

孤鸞

閨憶

孤鸞驚見歎黛妬愁眉粉悲瘦面凝立牆頭分付一
年春怨懊恨東君相促把韶華盡歸鶯燕况復輕帆
別後有許多腸斷更那堪芳信天涯遠縱夢到江

南一霎還轉。淮水春來漲。抵相思。一半珠簾欲鈎。又下。怕人隨柳綿花片。記得玉郎姓字。倩鸚哥頻喚。

雙雙燕
憶金陵

又春到了。聽三疊陽關。行人如醉。雲山阻隔。楊柳故園青未。回首長江無際。又說甚六橋流水。枕前迷却。鄉魂。花裏頻遲歸計。不見鍾山風味。羨月下笙歌。雲中環珮。羈棲結伴。只有雙雙燕子。音信天涯難寄。但認著吳頭楚尾。短吟寫就長箋。窓外落紅濺淚。

揚州慢
放雀亭梅花

老幹渾苔。柔條未萼。幾枝零落荒亭。望空山落日。正
笛韻淒清。自雙雀高飛去後。亭前三百。霧鎖烟橫。到
而今。都隨流水。暗逐浮萍。遼陽夢返。算逋仙重到
須驚。念疎影橫斜。暗香浮動。難賦幽情。水畔紅亭。空
爾波蕩漾。夜月無聲。但墳前芳草。春風著處還生。

念奴嬌

落梅

薄劣東風。怪朝來吹墮。一林香雪。不照美人粧額上。
脂度綠窓朱闥。蝶翅翩翻。魚鱗飄蕩。迷却羅浮月。酸
心梅子枝頭。一點偷結。憶昔乍逗春情。淡粧初試。

淺○笑○生○銀○曆○終○日○倚○欄○凝○望○眼○素○袖○不○勝○寒○怯○玉○碎○
樓○頭○粉○消○鏡○裏○腸○斷○君○休○說○笛○聲○正○在○斜○陽○影○外○鳴○
咽○

玉燭新

無題

舊○時○携○手○地○正○新○月○如○鉤○繁○花○似○綺○西○陵○春○晚○歸○鞍○
速○誰○料○忽○然○拋○棄○征○鴻○盼○盡○鎮○不○見○錦○書○香○字○猶○記○
得○餞○飲○長○亭○尊○前○暗○噓○愁○氣○迢○遞○南○歸○程○途○望○越○
水○吳○山○斷○雲○千○里○誰○家○歌○吹○偏○促○我○客○邸○數○行○珠○淚○
秦○樓○舊○事○但○恍○惚○五○更○夢○裏○未○消○得○一○霎○離○愁○翻○教○

心○碎○

南浦 客錢塘懷俞季璫北遊

雁歸南浦。又蕭條疎影對黃花。欲創新亭濁酒。往事
倍堪嗟。獨上南屏高處。悵錢塘烟火幾人家。問二三
知已。何爲浪迹。琴劍客天涯。有得幾時少壯。莫蹉
跎。瞬息負年華。爲望玉門千里。滿眼障飛沙。欲向西
湖尋勝跡。江城到處起悲笳。漫登高弔古。懷人都付
夕陽斜。

二郎神 感懷

別來幾日。早多少病容愁態。謾憶著臨岐。陽關唱罷。
扶手相將。同拜回首。征帆迢迢去。天盡處。水雲一派。
嗟耳畔離歌。眼前行色。恍然如在。無奈西風別路。
萬千關塞。暗追悔當初。相思結就。到得幾時能解。河
水易清。斜陽可挽。唯有佳期難再。相憶處。驗取絲添。
青鬢。玉消香帶。

解連環 春思

重重樓閣。把春愁惹下。怎生安著。要曉得。沒甚心情。
看紫燕黃鸝。碧桃紅藥。記得當年。對明月。共調絃索。

又尋芳闢草。金鳳玉魚盡總輸却。追思那禁淚落。
總春光依舊。離愁難托。豈是忘了叮嚀。任海角天涯。
到處飄泊。酒注金卮。對此景難成孤酌。況楊花飛去。
飛來穿簾透幕。

薄倖

春思

遠岫啣雲。寒塘破凍。春服初來未試。笛弄梅花酒斟。
竹葉總覺醉歌無味。向眼前紫陌紅樓。如何動是傷
心地。笑約負踏青情。忘闢草。總是無端憔悴。還記
得病裏慙慙。愁時將息。此意向誰提起。松亭別淚。竹

嶺離筵。恍在五更夢裏。想東風幾度。鶯花夜月。小樓何事。辜鶯被春江目斷。空把畫闌劃碎。

沁園春

贈梁冶渭

百里名區。製錦才優。自足徜徉。便流覽湖光。何妨薄宦。沉酣書軸。時近芸香。宗伯詞華。司農雅奏。家學由來擅冀方。新詩好。早雲飛郢里。錦濯川江。西泠不遜河陽。更栽得名花。萬樹芳。愛鳳駕行春。香風拂袖。留賓醉月。深夜飛觴。憶我當年。曾陪宴賞。霄漢襟期未可忘。今重到。喜鳬飛不遠。還覲龍光。

畫屏秋色

感舊

獨自倚闌角。嘆病起滿眼秋光蕭索。塞雁初來。天長地遠。錦書難託。此際總相逢。已悞了西樓舊約。那更腰肢如削。鎮長日多愁。梧桐葉墜。漸漸西風做冷。越羅難著。飄泊。非關情薄。被巫峽雨雲迷却。翡翠香銷。胭脂紅淡。相思都錯。往事不堪提。正少年輸他行樂。日晚自開簾幙。江上望歸舟。但見夕陽照處。滾滾寒潮初落。

賀新郎

湖上醉歌贈沈遁聲

耳○熱○還○須○酒○。但○持○觴○仰○天○大○笑○。莫○隨○人○後○落○落○吾○儕○。
堪○白○眼○。世○事○於○君○何○有○。任○薄○暮○浮○雲○歸○岫○。悵○望○孤○山○。
梅○盡○也○。遶○西○湖○欲○綰○蘇○公○柳○。纔○對○影○。訝○清○瘦○。臨○風○。
自○問○頻○搔○首○。慢○回○思○小○青○塚○上○。幾○添○僂○僂○。夢○裏○春○來○。
無○計○是○。留○得○窮○愁○如○舊○。聽○杜○宇○。淚○澆○雙○袖○。擬○換○扁○舟○。
尋○宿○約○。問○蒼○穹○可○許○。疎○狂○否○。杯○再○舉○。曲○三○奏○。

蘭陵王

詠柳贈別和周美成韻

雨○絲○直○。弱○柳○陰○陰○籠○碧○。長○堤○外○。芳○草○夕○陽○一○派○迷○離○。
暮○烟○色○。春○風○到○故○國○。慣○送○天○涯○行○客○。柔○條○短○不○繫○玉○。

驄○何○似○遊○絲○裊○千○尺○ 追○思○舊○踪○跡○正○翠○拂○珠○樓○絮○
舞○瑤○席○鞦○韆○院○落○逢○寒○食○恨○回○首○人○遠○夢○來○相○覓○飛○
花○撩○亂○滿○古○驛○又○爭○認○南○北○ 悲○側○恨○凝○積○問○何○處○
啼○鶯○深○夜○寥○寂○春○江○渺○渺○情○何○極○奈○曲○裏○哀○怨○又○生○
羌○笛○枝○頭○清○露○似○伴○我○淚○珠○滴○

白 苧

咏秋海棠

向○閒○堦○斜○傍○不○假○東○君○偏○饒○丰○致○微○醉○潮○紅○問○消○魂○
何○事○風○寒○露○冷○垂○頭○忘○睡○起○揭○簾○櫳○香○細○細○芙○蓉○苑○
相○映○一○枝○開○還○堪○對○薄○情○惆○悵○空○憶○儂○家○姊○妹○知○甚○

曉○蕭○郎○代○拭○清○宵○淚○
疑○是○佳○人○環○珮○歸○也○促○膝○留○
歡○月○華○增○媚○莫○待○秋○深○怨○朝○陽○憔○悴○一○霎○摧○殘○芭○蕉○
和○雨○碎○悔○悔○過○東○籬○難○携○手○無○言○恨○多○苦○被○拋○棄○搔○
首○因○思○解○語○當○年○猶○剩○名○字○豈○道○春○來○看○著○天○桃○似○
寶○鼎○現○
過○雲○居○山○房○訪○葉○林○屋○豈○僧○昆○仲○

長○林○雨○過○山○翠○如○沐○鳥○啼○相○應○繞○城○堞○攀○雲○獨○上○點○
點○嫩○苔○生○小○徑○高○嶺○外○聽○清○風○乍○起○吹○落○半○天○鐘○磬○
却○最○愛○名○藍○幽○寂○佛○火○嵐○光○相○映○盡○日○門○掩○無○人○
到○任○閒○庭○雲○臥○花○冷○回○首○望○湖○光○咫○尺○一○片○澄○波○如○

拭鏡喜二妙幽棲相竝。占盡晨光暮景。嘆今日詩才
畫手。誰向藝林馳騁。爾我相携。共遊賞。豈辭新咏。
更清泉瑩玉。花枕香浮。綠茗促坐。語笑渾忘。永歸路。
寒烟暝。振衣袂。長嘯高岡。却把千山喚醒。

曹秋嶽

溶

曰東白新詞纏綿溫麗無美不臻其聲

調在柳郎中秦淮海之間

吳蘭次

綺

曰長調之妙梅岑獨爲擅長蓋其語氣

醇雅不冗不複徘徊宛轉自然成文非學力與
識見竝到者不能也又聞梅岑多閨房倡和之
什惜未見授梓獨使文江海昌專美于世豈非
闕事耶

聶晉人

先

曰梅岑之詞極盡南唐北宋之妙余昔

訪之白下不晤又投繭刺於西湖而梅岑已先

一日行矣。因於東白堂選本畧存數首。俟徵全稿補之。

名家詞鈔目錄

廬陵 聶先 晉人

纂定

長水 曾主孫 道扶

萬青詞

漸岸 趙吉士 天羽

揚州慢 搖江

暗香 雲仙引

百字令 綺羅香

邁陂塘 白苧

卷之三

十二時

大酺

萬青閣詩餘

漸岸 趙吉士 天羽

揚州慢 遊平山堂

霜岸粧樓。草橋畫舫。隔林幾處烟鐘。望江南無數碧
浪。瀉雲峰。廬陵子構堂以後。春風楊柳。歲歲啼紅。到
而今。欄檻依然。半倚晴空。何方歌吹。杜郎夢斷。竹
西中。想北海荒陵。東山老檜。曲徑遙通。已是小陽春
候。猶留得半壑秋容。嘆劉蘇難再。風流誰繼遺蹤。

搖江 京口渡江懷古用耒邊詞韻

捲盡秋濤。金焦劃斷烟光濶。六朝景物付滄波。無路
尋吳越。天末青山一抹。是何人錦袍坐。月夕陽斜照。
江樹荒涼。海雲殘缺。風挾山鳴。魚龍噴薄。飛晴雪。
遙看南北兩三峰。長嘯江流咽。着我中冷片葉。頃刻
間穩過百折。浪遊無了。對此茫茫。自然愁絕。

暗香 題閻公再彭妻梅圖

玉聯環斷。彭公檢遺篋得玉環愛玩墮地忽碎。遂有悼亡之感。嘆青綾幃撒一
蒲非昨。一蒲庵爲彭公夫人所構舉案無人。硯北窗南。意蕭索。孫
楚情文交至。憶冰恣倩描滕角。萼綠華應是前身。蝶

夢此時覺。清酌倚吟閣。伴紙帳昏燈。枝橫香幕。慰

君寂寞。不在溪邊與籬落。令子銅龍應詔。時百詩應聘入都

正滿樹五花將着。勝孤山林處士。不添唳鶴。

雲仙引

同鄭雲植李分虎薄暮虎丘宿萃勝閣

喚起真娘。呼來短簿。欣逢孫阮同登。南山赤夕陽明。

當年五人憤懣。袞袞秋江流。不平搔首。画欄孤錐玉。

立萬堞烟凝。一池誰判。淄澠看老樹枯藤。引佛燈。

洗去塵氛。淒涼多少。冷我宦情。客夢甫回。疎砧斷續。

若個談經。鬼夜聽。可中亭下。千人石上。謾謾松聲。

百字令

壽張子虞山尊慈撒太君

紗帷壽母。是麻姑仙侶。向人間謫。繡幃當年隨五馬。
百粵山川曾歷。夢感香蘅。歌聞寡鵠。苦節同松栢。珠
擎掌上。挑燈口授篇帙。卽今海內知名。門盈車騎。
簪脫供賓客。處士星輝依寶婺。長照北堂華席。萊袖
承歡。潘興笑御。百歲非難得。八旬設悅。桃花持比顏
色。

綺羅香

秦淮午日

艾結天中絲。牽夏五。又見篁新梅熟。屈子江潭何事。

浪投魚腹漫尋他千載騷魂誰知我多時蒿目盛張
燈似上元時繡簾回舫春長續問江潮添幾尺十
二鐙船過兩邊絲竹鼗鼓中撾愁聽教坊遺曲歎水
嬉剩得繁華念匡坐已忘馳逐照眼來隔院榴花一
枝聊免俗

邁陂塘

羊山訪長逸先生時兒景行肄業山

甚江聲遠來山麓到門剩有漁艇黃花落盡楓林赤
又了一年秋景扁舟興嘆數載浮家泛宅渾無定重
開蔣徑愛聽小兒曹書聲嚶嚶永夜伴燈影移情

處已謝當年簿領。甌圓淺泛清茗。絳紗女樂終爲累。
不若先生囊罄。離此境。曾記得舊時病飲。蘇耽井。今
來有幸。喜月地霜天。巒烟嶂雨。供我輩吟咏。

白苧

戊午小春雪霽會葬間封君於十里塘
陸去肆國博邀同人過墓祠席地小飲

脫征衣。借山館。小春過了。新阡會葬。十里橫塘路。杳
坐輕篋。曉風迎面。冷茸帽。作夜六花飛。看一色野田。
鋪縞。相逢素車。都是長淮舊好。陸氏莊主人。邀飲期
同到。林杪蕭疎。敗葉掩映。閒門呼童。除徑。裙屐圍
園藉草。醉紅友。陶然接。離誰倒。荒郊良會。勝綺席張。

燈舞衣歌調。野色寒光破我羈懷。又墮殘照。烟暝高城。歸趁飛鴉小。

十二時

借寓山陽黃蘭巖副使園公子大宗移尊賦贈

面重湖淺堤栽柳。小舫尋幽堪纜。同踏葉赤欄橋畔。幾處亭臺行遍。千日疏渠萬夫昇石。做就溪山幻。因下榻。得住爲佳。晴雨一窗添得吟香詩卷。外臺人。角巾嘯咏。往事風流雲散。少長後昆。樂爲地主。總是烏衣彥。戴玉尊醉月。客愁減了一半。記舊遊。名家金谷。轉眼滄桑都換。江北江南園林無恙。近在淮陰。

岸。把手同舒嘯。低徊大河雲晚。

大酺

已未重三雅集白下清涼山修禊並過
隱仙菴二株園漏下始歸

背負春光蘭亭又誰用。鼠鬚蠶繭。石城潮響。答喜王
裴張樂。清談混混。指點紅粧。酡顏未睡。牆外垂絲一
半。逢花須留客。問偏提有幾。頻斟冰盃。且驚望空天。
三山風起。落帆江岸。繞城如疋練。是雲樹都入遊
人眼。還曳履林間。花院。眇眇風烟。兩黃鸝啼殘。欲斷
六代繁華歇。萬屋下午陰圓淺。剩得吾曹高詠。隱仙
何處。忽聽馬嘶芳甸。仰看參橫斗轉。

曹秋嶽溶曰。詩尚沉雄。忌纖靡。詞喜輕婉。戒浮膩。

昔人言之詳矣。不知輕婉之變。其流而下也。勢若江湖然。浸浸乎幾不可挽矣。先生詩詞等身。能使輕婉入妙。究不落尖刻一路。讀萬青詞。可以知所宗矣。

曾道扶

王孫

曰。詞有豪曠鮮艷二路。近人多能學

之。但豪曠多沿入理障。鮮艷多墮落情痴。求爲超脫一路而不落辛蘇習氣。雖數十名家中。不得其一也。先生之詞。良學道而得於心者耶。讀

者當自得之